

Huius ciuitatis Episcopis *Victimer* subscripsit Concilio Bracarenfi secundo, & *Pegalius* (alijs *Lupatus*) Toletano tertio.

TVDE Ptol. ibid. vulgò *Tuy*. *Auila* huius ciuitatis Episcopus subscripsit Concilio Bracarenfi secundo, & *Gardingus* (alijs *Neufila*) Toletano III.

ASTVRICA Ptol. ibid. vulgò *Astorga*. Ex eius Episcopis *Domitianus* subscripsit Concilio Sardicensi, *Polemius* Bracarenfi secundo, & *Thalassius* Toletano tertio.

BRITONIA, seu BRITONVM, antiquæ Notitiæ Hispaniarum apud Ambros. Moral. nunc pagus *Bretagna* dictus, teste Ioan. Mariana Quibusdam ex hoc Ouetū creditur, quod apud antiquū Cod. MS. in diuisione Episcopatum sic legatur: [Ouetum, hoc est Britonia exempta à Galleciæ Bracara.] *Mailoc* Britonensis, seu Britinorum Episcopus subscripsit Concilio Bracarenfi secundo, & *Methopius* Britaniensis Toletano IV.

PROVINCIA EMERITENSIS.

SEV LVSITANIÆ.

EMERITA Augusta Ptol. lib. 2. cap. 5. vulgò *Merida*. Ex eius Episcopis *Liberius* subscripsit Concilio Eliberitano, *Mausona* vel *Massona* Toletano tertio, & *Fructuosus* Hispalensi primo.

ABVLA Ptol. ibid. vulgò *Auila*. *Iustinianus* Abulensis Episcopus subscripsit Decreto Regis Gundemari, & *Theodoigius* Concilio Toletano quarto.

SALMANTICA Ptol. ibid. vulgò *Salamanca*. Huius ciuitatis Episcopus *Eleutherius* subscripsit Concilio Toletano tertio, & *Teneristis* Decreto Regis Gundemari.

ELBORA Notit. antiquis, quæ & Ebora Ptol. ibid. in Lusitania vulgò *Euora*. *Quintianus* Elborensis subscripsit Concilio Eliberitano, & *Zosimus* Toletano sub Reccaredo.

CAVRIA, Caurium Ptol. ibid. vulgò etiam *Coria*. *Laquintus* Caurienfis Episcopus subscripsit Concilio Toletano tertio, & *Elias* Decreto Gundemari Regis.

PAX IVLIA Ptol. ibid. vulgò *Beja*, ciuitas à Pace Augusta diuersa, quæ vulgò *Badajos*, & in qua sedem Episcopalem antiquitus fuisse non est quod conijciamus. *Palmatius* Pacensis Episcopus subscripsit Concilio Toletano tertio, & *Modarius* Toletano quarto.

OSSONABA Ptolem. ibid. vulgò *Estoy*. *Vincentius* eius Antistes subscripsit Concilio Eliberitano, & *Petrus* Toletano tertio.

OLYSIPPO Plinio lib. 4. cap. 21. vulgò *Lisboa*. *Paulus* Olysiptonensis Episcopus subscripsit Concilio Toletano tertio, & *Goma* Decreto Regis Gundemari.

EGITA, seu Igedita: eadem enim ciuitas est, vt ex Canone octauo & subscriptionibus Concilij Emeritenfis discitur, nunc vicus obscurus *Eidania* dictus. *Adoricus* Egitanæ Ecclesiæ Episcopus subscripsit Concilio Bracarenfi secundo, & *Licerius* Toletano sub Gundemaro. Sed aduerte, quadam in